



國家清史編纂委員會・文獻叢刊

五編

清代稿鈔本

第二四六冊

國家清史編纂委員會·文獻叢刊

五編

清代稿鈔本

第二四六冊

廣東省立中山圖書館
中山大學圖書館

編

主編 桑兵
副主編 李昭醇 程煥文 劉洪輝

廣東省出版集團
廣東人民出版社

·廣州·

第二四六冊目錄

棲里景物畧 棲里景物畧補遺

.....

棲里景物畧

十二卷

棲里景物畧補遺

一卷

張半庵輯

鈔本

棲里景物畧序

夫唐西隸仁和之一市廛耳何足云誌能觀其山川之秀麗人物之委蛇而舟航絡繹商賈駢填錢布潮至絲粟山積其地多原田宜穀宜蚕多池沼可魚可芡賓東南之一巨區而省會之一門戶也設其一絲不育即有機杼其空之嘆一穀不登能無凶荒飢饉之憂是又不特能卜三美之盛衰亦可以辨江南之隆替矣且采風問俗之士日過不遑每一詢及吾訛父老渺焉以對是以武林俞璥伯先生作唐西行以刺之橫潭張半庵者隱君子也書富五車胸羅二酉著述連雲秘不傳世及見俞子



之詩喟然而興曰是何言我因出是編而示之蓋其開鎮之始
紀物之原莫不分條而備晰也矣若迺夏后巡方東著禹航之
跡春秋紀戰西臨于胥之宮北屯句踐之壘南安支遁之禪唐
人棲泊於河濱故乘可稽宋藩分胙于茲土版圖爰載高賢肥
遁標黃鶴之芳軌義士潛踪遺棠溪之徽躅元師惟燬其仲墅
勝國乃濬其懸派有明御世人文聿興

鼎革初承井廬安堵不僅無驚風雀抑且紹述絃歌物華燦乎
天寶人傑鍾於地靈即此賓興援例雀躍衣冠列戶輿蓋塞塗
斯皆一時之盛豈可傳千古之勝概可見也是景是物上載亦

書以畱言者自張子謙之詞也予喜而命兒子瑋亟為手錄
而藏之以俟後之采風問俗者予得有以應之矣
康熙甲子七月既望書於龍禾書舍

江湖侶人慶題

棲里景物略目錄

第一冊

卷一 考

紀事

物產

雜著

卷二 詩序 詩

棲溪四詠

西里三十二咏

第二冊

卷三 福藩 長橋

廣濟堂

沈烈嬭 卧龍橋

怡濟堂

卷四 大佛寺

倉橋

花園橋

堤廊

仙釋

傳經堂 張氏

卷五 傳經堂詩 謙集詩 和集詩

第三冊

卷六 預備倉 南奎院 助義倉 奉真道院

關侯祠 文昌閣 天醫院

卷七 橫潭 卧痴樓 橫潭別業

卷八 半庵倚韻 橫潭 卧漁樓 金氏 系榭樓

陳汝寧 周文煌

第四冊

卷六 訟冤疏 雁樓 与徐楚君 杜受士

卷十 芳杜洲 卓氏 綠雪亭 五雲閣 三徑園

卷十一 大愚庵 画家 松齋 吳園 且適園

沈氏

卷十二 東園 張侯廟 東茶亭 德劬祠

永清寺 翠紫湖 文星閣

補遺 詩 張佩蘭 觀音閣 白練行 跋袁貞集

棲里景物畧卷之一

橫潭張半庵先生編次

唐樓考

唐樓北唐隱士所棲也隱士名珏字玉潛宋末會稽人也少孤以明經教授鄉里子弟而養其母至元戊寅浮圖總統楊璉真伽利宋攢宮金玉故為妖言惑主聽發掘之珏懷憤乃貨家具召諸惡少收他骨易遺骸瘞蘭亭山後而樹冬青樹識焉其冬青行曰冬青花不可折南風吹涼積香雪遙翠蓋芳年枝上



有鳥巢下龍穴君不見夫之年羊之月霹靂一聲天地裂及璉
褒宋陵骨襍馬牛骸骼築白塔號曰鎮南以為陵骨鎮於此而
不知猛他存也玉潛蓋嘗流寓此地人義之因名唐樓云或近
有塘南塘東但無塘北此云塘西或主上塘而界別之也然不
見正志姑存疑爾 出卓氏家乘

嘉靖三十四年五月賊首徐海引倭掠塘栖嘉曆四年九
月設北關兵船先年置北關水兵至嘉靖四十二年尚存一千
節經裁革寢兵嘉曆三年湖盜夥至駕船數十只南自謝村北

自唐西橫肆劫掠旁及鄉村民不安枕提督軍門徐拭設兵船十只分地防守于是商旅舟行賴以無阻

北瀾水兵崇曆四年都御史徐拭議立領哨官一員巡船十只隊長十名兵一百一十名書記一名輪流巡至唐棲鎮仍與裡河兵船會哨緝捕盜盜后查兵無實用已行裁革暫行輪調東西二營兵一百一十名下船巡哨一日一換官隊書記仍舊共餉銀一千一百一十九兩六錢於前項派徵杭州府屬水兵工食銀內及將嘉紹等府解貯布政司餘米銀湊給令兵既裁革餉亦停止官隊照舊支廩

唐樓漕運河攷

唐樓臨大溪曰樓溪潛初子岳元登圖書編云浙西諸水俱發
源于天目茅山泄瀉一由德清而落巨區一由餘杭而入於樓溪至
鎮復而為兩一由瀨溪而落震澤一由至嘉興而東入於海故
曰通濟橋為首衝焉自杭州塘由總受堂至武林港五林橋至
唐樓十里內安榴馬家橋陸墓橋圓眼橋大善寺德清縣北
去通濟橋總受堂碑亭唐樓鎮河濶二十丈水深九尺新橋單
圓橋張六廟祇堂庵車家橋兩敵樓泥橋泥墻此處土墩

圍圓四丈水止尺餘今已濬深唐樓至落瓜橋三十里內河濶二十丈水深八尺傳家庄官塘路張六廟何坟墩通濟橋五杭總管臺步壽北陸橋至大麻境屬嘉湖矣有圖不另載

按嘉興李日華紫樾軒又綴菴二云唐以前自杭至嘉皆懸流其南則水草沮洳以達於海故水則設閘以啓閉陸則設棧以通行古胥山碑謂石棧自錢塘北抵御兒之胥口乃其證也至今有石門陸門之名而其跡則湮于阡陌久矣又卷三云唐宋時嘉湖地皆懸流重、設堰埭用牛挽艇

過堰而徵其稅置官領之唐人詩所謂牛屎堆邊識
張祐女以祐曾為東瓜堰官也

漕河不知誰為開濬傳云勝國時張仕誠開濬之云洪
武間漕運始開

唐樓古今沿革攷證

余聞之故老言自鰲子門以上至朱橋范村謂之江塘龔緒二山以下
至海鹽射浦謂之海塘自江漲橋河至奉口有塘長三十六里曰官
塘官塘之西又有一塘曰西塘袤長十八里抵安溪四安驛路自東